

**IV. OPOSICIÓN E CONCURSOS****SERVIZO GALEGO DE SAÚDE**

*RESOLUCIÓN do 4 de abril de 2023, da Dirección Xeral de Recursos Humanos, pola que se resolve o proceso selectivo, se realiza o nomeamento como persoal estatutario fixo e se adxudica destino definitivo aos/ás novos/as aspirantes seleccionados/as no proceso, polo sistema de concurso, para o acceso, na condición de persoal estatutario fixo, á categoría de facultativo/a especialista de atención primaria, convocado pola Resolución do 18 de abril de 2022.*

Finalizados os prazos posesorios establecidos na Resolución do 20 de xaneiro de 2023, da Dirección Xeral de Recursos Humanos (*Diario Oficial de Galicia* núm. 21, do 31 de xaneiro), pola que se procede á resolución do proceso selectivo, ao nomeamento como persoal estatutario fixo e á adxudicación de destino definitivo aos/ás aspirantes seleccionados/as, non se produciu a incorporación ao servizo activo de tres aspirantes nomeados neste proceso selectivo.

De conformidade coa base décima da resolución de convocatoria do proceso, a non incorporación ao servizo activo no destino adxudicado e no prazo establecido, sen causa xustificada, sobrevida á solicitude de participación no concurso ou de forza maior, impedirá a perfección do nomeamento e a adquisición da condición de persoal estatutario fixo do/da aspirante, e quedarán sen efecto todas as súas actuacións no proceso.

Neste suposto, o órgano convocante chamará novos/as aspirantes, no número que corresponda e pola orde de prelación da lista definitiva, para os efectos de que, tras presentar a documentación que acredite o cumprimento dos requisitos exixidos na convocatoria e optar entre os destinos non ocupados, poidan ser seleccionados/as e nomeados/as persoal estatutario fixo da categoría.

Ao abeiro da antedita base, esta dirección xeral, como órgano convocante do proceso,

**RESOLVE:**

Primeiro. Publicar a relación de novos aspirantes definitivamente seleccionados/as no proceso selectivo e nomear como persoal estatutario fixo do Servizo Galego de Saúde na categoría de facultativo/a especialista de atención primaria os/as aspirantes que se inclúen no anexo desta resolución.



Adxudicarlles, con carácter de destino definitivo, a praza correspondente que figura no indicado anexo e declarar finalizado para os ditos/as aspirantes o concurso-oposición para o ingreso na categoría de facultativo/a especialista de atención primaria, convocado pola Resolución da Dirección Xeral de Recursos Humanos do 18 de abril de 2022 (*Diario Oficial de Galicia* núm. 80, do 27 de abril).

Segundo. Os/as aspirantes nomeados/as disporán do prazo dun mes, contado desde o día seguinte ao da publicación desta resolución no *Diario Oficial de Galicia*, para incorporarse á praza adxudicada.

De conformidade coa base décima da resolución de convocatoria do proceso, a non incorporación ao servizo activo no destino adxudicado e no prazo establecido, sen causa xustificada, sobrevida á solicitude de participación no concurso ou de forza maior, impedirá a perfección do nomeamento e a adquisición da condición de persoal estatutario fixo do/da aspirante, e quedarán sen efecto todas as súas actuacións no proceso.

Neste suposto, o órgano convocante chamará novos/as aspirantes que solicitasen o/os destino/s en que non se producise a incorporación ao servizo activo, no número que corresponda e pola orde de prelación da lista definitiva, que, de ser o caso, serán seleccionados/as e nomeados/as persoal estatutario fixo da categoría.

Terceiro. De conformidade coa disposición adicional segunda do Decreto 70/2017, do 13 de xullo (*Diario Oficial de Galicia* núm. 145, do 1 de agosto), como condición para o perfeccionamento do nomeamento que se expida os/as aspirantes seleccionados/as deberán realizar, con carácter obrigatorio, e nun prazo non superior aos seis meses contados desde a data de publicación no *Diario Oficial de Galicia* do correspondente nomeamento como persoal estatutario fixo, as actividades formativas para a obtención do nivel básico de coñecemento en materia de igualdade de xénero e prevención e loita contra a violencia de xénero, previstas no artigo 4 da citada regulación.

Non terán que realizar esta actividade formativa os/as aspirantes seleccionados/as que a realizasen con anterioridade, conste rexistrada en Fides/expedient-e e fose debidamente validada.

Cuarto. Contra esta resolución, que pon fin á vía administrativa, poderase interpor recurso potestativo de reposición ante esta dirección, no prazo dun mes contado desde o día seguinte ao da súa publicación no *Diario Oficial de Galicia*, de conformidade co establecido nos artigos 123 e 124 da Lei 39/2015, do 1 de outubro, do procedemento administrativo



común das administracións públicas, ou poderase impugnar directamente na xurisdición contencioso-administrativa nos termos da Lei 29/1998, do 13 de xullo.

Santiago de Compostela, 4 de abril de 2023

Ana María Comesaña Álvarez  
Directora xeral de Recursos Humanos

**ANEXO****Definitivamente seleccionados, nomeamento e adxudicación de destino**

DNI	Apelidos e nome	Centro directivo	Servizo de AP	Centro	PAC de referencia	Quenda
***4232**	Fernández Gómez, Francisco Manuel	A.S. de Lugo, A Mariña e Monforte de Lemos	Burela	Foz	Ribadeo-Burela	Tarde
***7428**	Rozas García, Sara	A.S. de Vigo	Ponteareas	Ponteareas	Ponteareas-Vigo	Tarde
***3008**	López Agreda, Sofia Zaida	A.S. de Vigo	Moaña	Moaña	Cangas-Moaña-Redondela	Tarde

